

中國方志叢書·華北地方·第三一三號

據

清·舒其紳等修·嚴長明等纂
清·乾隆四十四年刊本

影印

陝西 省

西安府志

(二)

成文出版社有限公司印行

西安府志第十五

食貨志中 經費 課程

經費

漢

晉食貨志永初三年天下水旱以用度不足三公奏請令吏民入錢穀得爲關內侯

唐

食貨志高祖武德初京司及州縣皆有公廨田供公私之費其後以用度不足京官有俸賜而已冊府元龜高祖平京師傾府藏以賜勲人旣患國用不足太原人劉義節進計曰今義師數十萬並在長安樵貴而布帛賤若伐街衢

及苑中之樹爲樵以易布帛歲取數萬匹可立致也又藏
內繒絹疋皆有餘軸之使申裁取剩物以供雜費動盈十
餘萬段矣從之大收其利

食貨志貞觀初以地租春秋給京官歲五十萬一千五百
餘斛十八年以京兆府岐同華邠坊州隙地陂澤可墾者
復給京官職田二十二年置京諸司公廨本錢捉以令史
府史胥史永徽元年廢之以天下租腳直爲京官俸

食貨志永徽中置公廨本錢以典史主之收贏十之七以
供佐史以下不賦粟者常食餘爲百官俸料京兆等府錢
三百八十萬京兆等府京縣一百四十三萬畿縣八十二
萬五千

食貨志光宅元年以京官八品九品俸薄詔八品歲給庶僕三人九品二人

食貨志開元十八年復給京官職田二十九年以京畿地狹計丁給田猶不足於是分諸司官在都者給職田於都畿以京師地給貧民

食貨志六典太倉令凡京官之祿發京倉以給

食貨志乾元元年京官給手力課上元元年復令京官職田以時輸送受加耗者以枉法贓論其後籍爲軍糧

食貨志永泰元年分天下財賦置二使京畿關內以京兆尹判度支第五琦領之取州縣官及折衝府官苗子三之一市輕貨以賑京官大歷二年復給京兆府及畿縣官職

田以三之一供軍饌

食貨志戶部侍郎趙贊判度支行借錢令約罷兵乃償之京兆尹韋貞長安丞薛萃搜督甚峻民不勝其冤然總京師豪人田宅奴婢之估裁得八十萬緡減百官料錢以助軍

冊府元龜貞元元年自春大旱度支奏京師經費及關內外征討士馬月須米鹽五十三萬石錢六十萬貫草三百八十三萬圍春冬衣賜元日冬至立仗賜物不在其中時漕江東租賦百餘萬貫在江陵度支主吏宋棲桐無部署遇火焚之國用益窘關中百姓蒸蝗去翅足食之人心大恐

食貨志閱輔宿兵以永豐倉米給禁中三年李泌爲相增百官及畿內官月俸復置手力資課歲給錢六十一萬六千餘緡泌以度支有兩稅錢鹽鐵使有筦榷錢可以擬經費中外給用每貫墊二十號戶部除陌錢復有闕官俸料職田錢積戶部號戶部別貯錢御史中丞專掌之皆以給京官歲費不及五十五萬緡京兆和糴度支給諸軍冬衣亦徃徃取之

文獻通考初德宗居奉天儲蓄空窘嘗遣卒視賊以苦寒乞襦不能致別親王帶金幣之朱泚旣平乃屬意聚歛常賦之外進奉不息

食貨志元和中祠祭蕃夷賜宴別設皆長安萬年人吏主

三
辦二縣置本錢配納質積戶收息以供費

百官志比部京師倉庫三日一比諸司諸使京都四時勾會於尙書省以後季勾前季

冊府元龜長慶四年五月勅近日訪聞京城米價稍貴須有通變以便公私宜令戶部應給百官俸料其中一半合給匹段者迴給官中所糴粟每斛折錢五十文其匹段委別收貯至冬糴粟填納大倉時以爲便

冊府元龜開成元年正月詔京兆府一年所支用錢物斛斗草等並勒鹽鐵使以開成元年直進綾絹充還辛酉鹽鐵使左僕射令狐楚請以罷修曲江亭子絹一萬三千七百匹迴修尙書省

元

續文獻通考憲宗七年命劉太平等會計京兆財賦大加鈎考其貧不能輸者帝爲代償之

明

會典永樂元年令陝西布政按察司官俸米鈔兼支及所屬府州縣等官俸全支鈔者俱仍舊令陝西各府州縣教官生員俸糧俱米鈔中半兼支

會典成化十三年令陝西三司並衛所首領及府州縣等官五品以上二八兼支六品以下三七兼支不穀三石者照舊支本色又令延綏巡撫官照甘肅例出巡每日支廩給米五升在倉支五升回日通在倉支一斗

續文獻通考隆慶元年詔陝西織絨遵奉遺詔旣已停止其原行徵辦織造採買銀兩通應解部

按西安府屬州縣各項經費

本朝悉行均入地丁錢糧徵收存留各屬按照歲時支放課程

秦

二世本紀少府注漢百官表少府秦官應劭曰掌山澤陂池之稅名曰禁錢以給私養自別爲藏少者小也

漢

食貨志王莽居攝於長安及五都立五均官更名長安東西市東市稱京西市稱畿工商能採金銀銅錫登龜取貝

者皆自占司市錢府順時氣而取之諸取衆物鳥獸魚鼈
百蟲於山林水澤及畜牧者嬪婦桑蠶織紵紡績補縫工
匠醫巫卜祝及他方技商販賈人坐肆列里區謁舍皆各
自占所爲於其所在之縣官除其本計其利十一分之二
以其一爲貢敢不自占占不以實盡没入所採取

晉

苻堅載記永興中開山澤之利公私共之

姚興載記宏始中以國用不足增關津之稅鹽竹山木皆
有賦焉羣臣咸諫以爲天殖品物以養羣生王者子育萬
邦不宜節約以奪其利興曰能踰關梁通利於山水者皆
豪富之家吾損有餘以裨不足有何不可

唐

高祖紀武德二年以穀貴禁關內屠沽冊府元龜閏二月
詔酒醪之用表節制於歡娛芻豢之滋致肥甘於豐衍然
而沉湎之輩絕業亡資惰窳之民騁嗜奔欲方今烽燧尙
警兵革未寧年數不登市肆騰踊趨末者衆浮冗尙多肴
羞趨糞重增其費救弊之術要在權宜關內諸州官民具
斷屠沽

食貨志乾元元年京師酒貴肅宗以廩食方屈乃禁京城
酤酒期以麥熟如初

食貨志建中三年以京師四方所奏罷榷冊府元龜閏正
月初榷酒天下悉令官釀斛受直一千米雖賤不得減二

千委州縣綜領醕簿私釀罪有差以京師王者都特免其
權

食貨志京兆尹韋貞取餽櫃納質錢及粟麥糶於市者四
取其一長安爲罷市市民相率遮邀宰相哭訴盧杞疾驅
而過韋貞懼乃請錢不及百緡粟麥不及五十斛者免而
所獲裁二百萬緡趙贊請諸道津會置吏閱商賈錢每緡
稅二十竹木茶漆稅十之一復請稅間架筭除陌及涇原
兵反大噉長安市中曰不奪爾商戶餽質不稅爾間架除
陌矣於是間架除陌竹木漆鐵之稅皆罷貞元二年復禁
京城畿縣酤酒

冊府元龜建中初十二月度支請於京城及畿縣權酒之

法每斛權一百五十其酒戶並蠲免差役從之

食貨志元和六年罷京師酤肆文獻通考京兆府奏權酒錢除出正酒戶外一切隨兩稅青苗錢據貫均率從之

食貨志太和八年罷京師權酤冊府元龜二月詔京邑之內本無權酤屬貞元用兵之後費用稍廣始定店戶等第令辦納權况萬方所聚私釀至多禁令旣不可施權利自無所入徒立課額殊非惠人其長安萬年兩縣見徵權酒錢一萬五千一十貫八百文若先欠者並宜放免其權酒錢今亦宜停

食貨志昭宗世以用度不足易京畿邊鎮麴法復權酒以贍軍鳳翔節度使李茂貞方顯其利按兵入奏利害天子

遽罷之

宋

文獻通考熙寧十年以前商稅歲額五萬貫以上京兆十二務三萬貫以下耀九務酒課二十萬貫以上京兆二十三務五萬貫以上耀五務

元

世祖紀至元三年六月申嚴陝西竹禁陝西課程歲辦萬九千錠

食貨志竹之所產在陝西者京兆有在官竹園國初立司竹監掌之每歲令稅課所官以時採斫定其價爲三等易於民間至元四年始命制國用使司印造竹引凡發賣皆

給引世祖紀十八年京兆等路歲辦課額自萬九千錠增至五萬四千錠食貨志二十年命陝西竹課提領司差官於輝懷辦課

成宗紀大德五年三月罷陝西路拘權課稅所

食貨志天歷元年竹課奉元路三千七百四十錠三兩六錢

明

會典初設陝西稅課司局西安府稅課司三原縣稅課局馬志嘉靖初西安府商稅課程鈔折銀二千三百二十四兩三錢二分

續文獻通考萬歷十年題准裁革咸陽縣皮布稅

本朝

資政錄 長安縣額外課程舖戶所辦銀二十兩九錢二分遇閏加一

兩七錢四分 地稅買房地業主所辦七十九兩六錢八分九釐當

稅當商所辦一百九十兩牙稅牙行所辦四十六兩六錢一分畜稅

買驛馬戶所辦四十一兩四分

資政錄 咸寧縣額外課程銀三十七兩六錢五分遇閏加三兩一

錢三分七釐五毫 地稅二百三十九兩九錢一分三釐當稅六百

四十兩牙稅八十五兩九錢畜稅五十二兩三錢二分六

釐

資政錄 咸陽縣額外課程銀二十一兩四錢二分六毫遇閏

加一兩七錢八分三釐三毫 地稅一百四十三兩三錢九分七釐當稅

一百兩牙稅三十二兩五分四釐畜稅六十五兩八錢八分一釐筏稅八百四十六兩一錢一分八釐

資政錄與平縣額外課程銀三十四兩五錢

遇閏加二兩八錢七分五釐

地稅二百二十八兩一錢三分二釐當稅八十五兩牙

稅二十五兩一錢畜稅三百三十三兩二錢七分

資政錄臨潼縣額外課程銀三十八兩四錢四分

遇閏加三兩二錢三釐

錢三釐三毫

地稅一百六十一兩四錢當稅三百五十五兩牙

稅四十五兩九錢九分一釐畜稅一百一十五兩五錢三

分

資政錄高陵縣額外課程銀二十六兩二錢八分

遇閏加二兩一錢九分

地稅一百五兩當稅五十兩牙稅二十二兩八錢七分